

SKALLIDIM-JUBMELDIEVNNO - KONFIRMASJONSLITURGI

14.02.11

ráhkálvisájn ájnegis skallujláhkke ávdás

Jus udnásj tjoahkkimráhkálvis ij hieba, máhtta dát ráhkálvis aneduvvat:

L Almmelasj Áhtte, mij gijttep duv gá mijáv gástan ietjat mánnán váldi ja ásadi midjij sijdav girkkonat. Ráhkálip dunji, gievrroda mijáv jáhkon vaj lulujma viessot duv sidoda milta ja duv dievnárin væráldin liehket. Vatte midjij fámojt buoragit ájbutjit, ja viehkeda mijáv jávsádittjat dan ihkeven máhkkáj mav biedji mijá ávddáj, Jesus Kristus, Bárnát, mijá Hærrá baktu, guhti dujna ja Ájlis Vuojnjanisájn viessu ja ráddi, ájnna duohta Jubmel ihkeven ájges ihkeven ájggáj.

Jus muhtema udnásj tevstajs e rat hieba, máhttep válljit muhtemav dájs:

OT 5 Mos 6,4-7
Sálmma 121

Ep. Fil 3,12-14
Fil 4,4-9

Ev. Matt 7,24-29
Joh 6,66-69

Sálma maññela mij sárnev (ja guládušájt) tjuovvu, máhtta gássta tjuovvot mij lãhpáduvvá sálmajn. Jus ij la gássta, de tjuovvu:

Mujttáduš gáŕtas

L muohto tjoaggulvissaj

Gieres tjoaggulvis.

Gástan Jubmel mijáv sjievnñjeda fámos gájoj, ja vattij midjij riektáv tjuovga mánnán liehket. Gãhtjoduvájma Kristusav tjuovudittjat ja sujna viesutjit. Dãbdãstup dan diehti vuornãdušáv ja jáhkov mij gulãduváj mijá gásstabãttã.

Tjoaggulvis tjuodtján.

G Mãn vuornãdav bærggalav
ja gájkka suv dagojt
ja gájkka suv vuogijt.

Mãn jáhkáv Jubmel Áhttáj, gájkvæksásij, alme ja ednama sjivnñjediddjáj.

Jáhkáv Jesus Kristusij, suv ájnnariegádim Bárnáj, mijá Hærráj, guhti Ájlis Vuojnjanisás sahkanij, niejdda Marias riegeárij, Pontius Pilatusa vuolen vájveduváj, ruossinávlliduváj, jámij ja hávddáduváj, jábbmegij riikkaj luojtárij, goalmát biejeve jábbmegij lussta tjuodtelij, almmáj vuolgij, gájkviekses Jubmel Áhtje oalges bielen tjáhkkihime, dáppelt vas boahtemin viessojt ja jábbmegijt duobbmitjit.

Jáhkáv Ájlis Vuojnjanissaj, ájlis aktisasj girkkuj, ájllisij sebrudahkaj, suttoj ándagisluottemij, jábbmegij tjuodtelibmáj ja ihkeven iellemij.

Amen. Apostolak jáhkodábdástibme

Tjoaggulvis tjáhkkit.

14a Ráhkálvis skallujláhkkej ávdás

L muohto tjoaggulvissaj
Ráhkálup mijá skallujláhkkej ávdás.

L muohto álltárij
Ihkeven Jubmel, almmelasj Áhtje, mij gijttep duv gå ájlis gástan mijáv riikkasit váldá.
Ráhkálip dunji skallujláhkkej ávdás: Oatsoda sijáv jáhko gæjnon, vaj sij bæjvállattjat dunji járgijdi, ja iellema vájaldusán oahppi Bárnát, Jesus Kristusav, buorebut dábdát.

T Hærráv ráhkálip.

L Hærrá, sij li gássjelis væráldav vájaldittjat, oatsoda sijáv Vuojnjanisát baktu. Moatte lágásj gæhttalibmáj boadádalli, valla gievrroda sijáv fámuinat, ja viehkeda sávresvuodajn ráhkádallat ja áskulattjat ávkket duv bágov ja ájlis iehkedismállásav. Sálli sidjij sijdav risstelasj girkkonat gávnnat, vaj sij aktan gájkaj gudi dunji jáhkki, lulun namát dábdástit ja duv bágov ja dagoj gijttet ja dievnnut.

TJ Hærráv ráhkálip. Amen.

G Áhtje mijá guhti le almen.
Ájlistuvvus duv namma.
Báhtus duv riikka.
Sjaddus duv sidot
gåk almen, náv aj ednamin.
Vatte midjij uddni mijá bæjvvásasj lájbev.
Ja luojte midjij suttojdimme ándagis,
náv gåk mij aj luojttep mijá velgulattjajda.
Ja ale mijáv gæhttalibmáj lájddi,
ájnat várjjala mijáv bahás.

Juhte duv le rijkka ja fábmoo
ja herlukvuohta ihkeven ájggáj.
Amen.

14b Oanegis ráhkálvissálmma

14c Ráhkálvis ájnegis skallujláhkke ávdás

L Gieres skallujláhkke.

Risstalasj jáhkkuj lihpit gástaduvvam. Rissstalasj jáhkon lihpit áhpaduvvam.
Báhtit dal Hærrá álltárij, vaj ráhkálip dijáj juohkka avta ávdás Jesusa namán.

Skallujláhkke manni mutták stuorra juohkusin álltárij ja buolvvedi.

Liturgga biedjá giedas skallujláhkke oajve nali ja ráhkál suv ávdás namáv nammadijn avtav dájs ráhkálvissájs:

- 1 Hærrá, gálmaktes Jubmel, ráhkálip (namma genitijva hámen) ávdás. Ájlis gástan le dán mijájt ietjat mánnán dahkam; gievrroda *suv* jáhkon vaj luluj ihkeven iellemav árbbit.
- 2 Gájkka ármmogisvuoda Jubmel, ráhkálip (namma genitijva hámen) ávdás. Kristusin le dán mijáv ihkeven herlukvuohtaj gáhttjum; várjjala *suv* gásta ármon gitta Jesus Kristusaa bæjvváj.
- 3 Almmelasj Áhttje, ráhkálip (namma genitijva hámen) ávdás. Gástan le mijáv sjievnjneda fámos gádjum ja rijkkasit doalvvum; gievrroda ja bisoda *suv* ihkeven iellemij.
- 4 Áskulasj Jubmel, ráhkálip (namma genitijva hámen) ávdás. Gástan le mijáv ietjat aktisasjvuohtaj gáhttjum; várjjala *suv* fámujnát, vaj luluj árbbit ihkeven lánástusáv jáhkon Jesus Kristusij.
- 5 Almmelasj Áhttje, ráhkálip (namma genitijva hámen) ávdás. Gástan le mijáv ádásis riegadahtám ja ielle dárrov vaddám Jesus Kristusaa tjuodtjelime baktu jábbmegij lussta; gievrroda *suv* Ájlis Vuojnjanisá baktu ihkeven iellemij.
- 6 Hærrá, mijá Jubmel, ráhkálip (namma genitijva hámen) ávdás. Lánestam le mijáv ja gáhttjum ájlis gáhttjomijn gá gástaduvájma; sállu *sunji* Ájlis Vuojnjanisá baktu lánástusánat bissot ja oasev ihkeven herlukvuodastat oadtjot.
- 7 Jubmel mijá Áhttje almen, ráhkálip dunji (namma genitijva hámen) ávdás. Gástan le mijáv rájnnim ja ietjat álmugin dahkam; viehkeda *suv* Vuojnjanisát baktu buoragit ájbutjit, ja duv lusi ihkeven máhkáj jávsádittjat.

Juohkka juohkusa mañnela manná liturgga álltárij ja javllá:

L Ráfe lehkus dijájna.

Skallujláhkkejuogos tjuodtján ja manná sadjásis.

Loahppabágo

Gá le ráhkádaláduvvam gájkka skallujláhkkij ávdås, buktá liturgga (áallára guoran, muohto tjoaggulvissaj) jali katekehhta jali ietjá tjoaggulvisá ávdástiddje (láhkåmbievdes jali ietjá sajes kåvrån) oanegis sávadusáv, jali javllá loahppabágojt vuollelin.

Gieres tjoaggulvis.

Aktan lip skallujláhkkij ávdås ráhkålam. Viehkedup sijáv de aktan, vaj lulun risstalasj vuornådusájn ja jáhkon viessot, ja Jubmela ja guojmij dievnnuj ávddånit. Ávttijup guhtik guojmema Jubmela bågov ja Hærrá iehkedismållåsav ávkkitjit, ja dav gæjnov vájaldittjat mij iellemij doalvvu.

Dij skallujláhkke lihpit ájn vilá tjoaggulvisá ávdåsráhkålvisájn. Jubmel le åskulasj ja sujna le rájådis gieresvuohta. Jubmel le aj dijá lahka huvsodisvuodaj, vuojtådallamij ja guoktåladdamij ájgij, ja gåhttju dijáv aktan sujna viesutjit. Årrut de suv lahka. De sån, guhti dijá lunna buorre dagov ålgadij, dav gitta Jesus Kristusa bæjvváj ålli.

Jubmeldievno låhpaduvvá sålmajn.